


Empola ne emanyiso: Willem de Vink

Yeézu Masihi


Omuuntu Ayahiindwiile Éensi



NI CHIÍHA?



Ebibulia: Omu Bibulia noohicha kusoma nka nikwo Múungu alikubaleebáho abaantu no óokwo alikubeémanya.



Echiganyizi: Múungu aganyila, noóbu hatéena omuntu óogwo akwiile. Múungu aganyila koólaaba mazima waátamwa ebiheno na nooyeénda kuhiinduka. Echiganyizi nichibonwa aha nsoonga Yeézu akeemucha omuchwaáziiko gwéetu óogwo íchwe tukaba tukwiile.



Echiheno: Amagaambo áago tukola butali obweenzi bwa Múungu áago gatwaangila kuguhikila omweétegeko gwa Múungu óogwo ayinagwo ha bwéetu.

Isitáani: Omubisa wa Múungu na abaantu, atabonekana. (Káandi nilimanyiikana nki Izilwa).



Kusuba: Buli chiintu chilyáaba chisha obuchilo Yeézu alisuba omu nsi. Igulu ne éensi bilyaáhiindulwa na Múungu.

Maléeka: Entumwa ya Múungu etakubonekana.



Masihi: Omukáma ‘Omusiigwa Mazuta’. Masihi (echigaambo che Echihebrania) lisasaánwiilwe omu Chiyunani nka Kristu.

Obukáma bwa Múungu: Obukáma bwa Múungu buli ahaantu áaho abaantu balikumugomookela.



Obulami bwo obucha no obuchiile: Obulami na Yeézu nko óokwo Múungu yaayenzilého. Noosínga olufu na tihéena omuhélo.

Obumo: Abaheémba ba Yeézu beezuka olufu lwoómwe no okuzooka kwoómwe aha mukaate ne evíini.

Okusaba: Noohóoya na Múungu, chinúunu nali ahi iláka na noomuhuliiliza weényini.

Okuzooka: Yeézu akazooka kuluga omu bafwiile. Chilo chimo abaantu bóona balaázoolwa kuluga omu bafwiile. Mála Múungu alyaámuchwaáziika buli muuntu.

Okwiikiliza: Kumwiikiliza Múungu habwe éecho yaalagéene kuchikola.

Omugisa: Ne ebiintu byóona ebizima éebyo Múungu alikweenda kubaha abaantu abalikukola éebyo alikweenda.

Omuheémba: Entumwa ya Yeézu.

Omusalaba: Echikozeso cho olwaágalalo éecho chaakolesizwe kumubaamba Yeézu aha bweenzi bwoómwe weényini. Gubeele oluméenko aha baheémba bóona ba Yeézu.

Omwána wa Múungu: Íziina lya Yeézu. Ni Múungu ayeezile omu nsi nko omuuntu, nko omwána wa Múungu.

Omwooyo Mutakatíifu: Omwooyo gwa Múungu óogwo alikweenda kutúula omuli áabo abalikumukulaatila Yeézu.

Paásika: Na amazenye go okuzooka kwa Yeézu. Abayahudi bakaba balya amazenye ga Paasika kwiizuka nka nikwo Múungu yaabachuúngwiile beesábo enkúlu kuluga omu buhalila okwo omu nsi ya Mífsiri.

Yeézu: Izíina lya Mutábani wa Múungu, ensoonga yaályo, ‘Múungu naachuungula’.



OBUCHILO BWA YEÉZU

Enchilo zéetu nizibaandiza ha kuzáalwa kwa Yeézu. Abaantu bakaba bazila oluzeendo lwa amagulu nali bahanama ensíkili, entwaangabuleende nali bahanama ha mgoongo gwe efaláasi. Echinogoka chiháango cha Buláaya, Obutuluka bwa Hagati na Nyakaziinzakazi ya Afrika zikaba zili omu butwaale bwe Echirúumi. Abaantu béenzi bakaba batakumanya kusoma no okwaandika, náho Abayahudi omuli Iziraeli bakaba nibamanya, bityo bakeetwa ‘abaantu be Echitabu’.

Múungu naahóoya omu chitabu, omu Bibulia. Weényini no Omuhaangi wa buli chiintu na naayeénda kuba munywáani wa buli muuntu. Yeézu naayoleka echo ha bweélu bwooli.

YEÉZU MASIHI NO OÓHA?

Yeézu akatúula nke emyáaka ebihuumbi bibili (2,000) eyaahiingwiile omuli Iziraeli. Nitumweéta ‘Yeézu Masihi’ nali ‘Yeézu Kristu’. Eyina ensoonga nka nikwo no Omukáma. Ti nka nikwo no Omukáma kwoónka. Yeézu akéetwa Omwáana wa Múungu káandi Omwáana wo Omuuntu. Éezi eyina ensoonga nka nikwo weényini ni Múungu káandi no omuuntu. Ehistolia yo obulami bwa Yeézu esoombweelwe omu Bibulia. Ne ehistolia nkulu yo obuchilo bwóona.





IZIRAEI OBUCHILO BWA YEÉZU



Echikaali chikulu: Yeruzaléemu

Emizihwa: Galiláaya, Samaria, Yudea.

Obugazi: Ekilomíita zo omuraba 28,000 ziti.


Entúungwa ze éensi: Enusu tropiki.

Esiasa: Kuluga omwáaka gwa makumi mukáaga ne isatu (63) atakazéelwe Yeézu Abaiziraeli bakaba batégekilwe na Abarúumi.

Eserikáali: Omutwáale we Echirúumi, Pontio Pilato, naatégeka Iziraeli. Tiberio, Kaizári we Echirúumi, akamutégeka.

Edíni: Buyahudi. Abayahudi bakaba beena éenzu ya Muungu Yeruzaléemu. Abagabe bakola buli mulimo gwe edíni na heena abeégesa (nka Abafarisayo) áabo eli lwaampaka beegese abaantu ameégeso ge Ebibulia.

Endími: Echihebrania (olulími lwa Abayahudi), Echiyunani (olulími lwa amahaánga), Echilatíini (olulími lwa Abarúumi).



Na aha nsoonga chi abaantu nibakoba aha munóna?



Mwiikale buligi ligi,
obukáma bwa
Múungu nibwiíza.



Mutaandike obulami obusha.




Ensénya yo omuchwaáziiko gwa Múungu yaáloongizwe kuzinogola emizi yo omuti.


Buli muti ogutakulaba amagoomba maluunzi nigunogolwa no kunagwa omu mulilo.

Íichwe chwéna obúundi twaakanogolwa. Noóha ayaakuhicha kutúula obulami buzima?

Butúnu, taliho omuuntu ayaakuhicha kweéliga no omuchwaáziiko gwa Múungu, náho alaakulatila hali ínye, naayiza óogwo alaahiindula butúnu obulami bwéenyu.



Ngási, na amazima nimweénda obulami bwéenyu buhiinduke? Mbwénu mweegaámbe ebiheno byéenyu na mwiíze mubatizwe omu méenzi aga.





Mweézwe ebiheno byéenyu, óobu mweéloongize kubaanza obulami obusha.

Abaantu bóona bamweeta omwoólekeezi ógwo ali aha munóna, izíina lya Yohana Omubatiza...

Íinye ti kaantu, niimuloongeza omuháanda ógwo alikwiiza kutumanyisa Múungu noóha. Alyaábabatiza íimwe aha Mwooyo gwa Múungu no omulilo gwa Múungu. Éecho chilyaábahiindula íimwe butúnu.



Na ahaleéza...



Íinye ni lwaampaka mbatizwe neewe.



Íiwe kola kwoónka. Niho tuzihikiilize engoonzi za Múungu.




Táata, obukáma bwaawe bwiíze ne éecho olikweenda chikolwe.



Ahonyini iláka kuluga omu igulu lyaágaamba...


Éego, íiwe níiwe Mutábani waanze engaanzi ógwo nnyesiimaho neewe.



No obutaándiko bwe enchilo zéetu ezi niho Yohana Omubatiza yaabaloongize Abaiziraeli ha kwiiza kwa Masihi. Obuchilo obu, Iziraeli ne echinogoka chiche kwoónka cho obukáma buhángo bwe Echirúmi.




Abayahudi, omu nsi ya Iziraeli nibeehulila kuba abanaku male abali kweeboneelwa. Abaantu nibabuliindilila aha chihika obuchilo buli Masihi aleeza. Masihi ogu niwe Omuchuúnguzi óogwo okwiiza kwoómwe kukalaganwa omu maandiko ga Abayahudi. Weényini naagakola amazima ga Múungu kufuluma.



Aho aha munóna gwa Yorodáani Yohana Omubatiza naamwooleka Yeézu ha kumutúunga olukumu.



Léeba, ogwo niwe Omutaámbwa wa Múungu, alikwiihaho echiheno che éensi.



Batisimu ya Yeézu kayahwéele, Omwooyo gwa Múungu, yaámweebeembelela Yeézu omu nsi yo obwoóma.

Yeékala okwo weénka ebilo makúmi aána omuchilo na nyemisana. Talaliile choóna chóona. Yaaza omu chisiibo no kusaba abone kuzisoombookelwa butunu emilimo yoómwe.



Kuba abone kusíinga, Yeézu ni lwaampaka azihikiílize éensi okweenda kwa Múungu nka nikwo abaantu beéligo ne echitiíniso cho olufu.

Yeézu naaleengesibwa ni Isitáani, omutwáale wo obutwáale bwe ensiimbaazi, omubisa wa Múungu na abaantu, atabonekana, alikutabaala éensi habwo olufu no obuheni.



Táata. Niinchikola choóna chóona éecho olikweenda.

Náho Isitáani omusiíngaangani woómwe naaleengesa kumuha Yeézu ebiteékuzo bibi abone kumukoonza koonza atahikiíliza omulimo gwa Múungu.

Koólaaba íwe oli Mutábani wa Múungu, mbwéenu gahiindule amabáale aga gabe omukaate.

Mmahi! Eyaandikilwe omu chitabu: Omuuntu tiyaákuhicha kutúula aha kutúungwa omukaate gwoónka, náho ha kubaanza naatuúngwa habwe ebigambo éebyo Múungu agaámbe.

Koólaaba íwe mazima oli Mutábani wa Múungu, yenaguze ahaansi kuluga aha luswi lwe éenzu ya Múungu. Ngási tichilaandikwe nka nikwo bamaléeka nibakusutula omu ngalo?

Léeba. Niinkuha obutégeki bwóona omu nsi kábilaaba noonteelela ebizwi no kuúndamya.


Kigahiingwiile ago, niho Isitáani kumuleka Yeézu aho. Ahonyini, bamaléeka béeza kumuheéleza.

Káandi eyaandikilwe: Otamuleengesa Múungu.


Luheendeho aha, Isitáani we! Eyaandikilwe: Tumulámye no kumuheéleza Múungu weényini weénka.

Yeézu yaásuba owáabo Galiláaya, akaba ayina obuhicha bwo Omwooyo Mutakatífú. Yeézu akakulila Galiláaya, omuzihwa ogu gukaba gwiine abaantu béenzi bwooli. Galiláaya ekaba eli olubazu lwa nyakaziinzakazi lwe nsi ya Iziraeli. Obuchilo yaakomeeliile oluzeendo abaantu béenzi bakakwaátangana naze, nibeebuúza no kuteékuza kaálaaba niwe Masihi ógwo empola zoómwe zaayandikilwe na ababaasi...

Hakaba heena amazenyi go obweenga omuli Kána, omuzihwa ogwo gukaba guli omu tubaanga twa Galiláaya...



Yeézu nawe aliho aha bweenga hamo na nyina na banywáani boómwe abáandi.





Naho ahagati ya amazenyi...

Ibaando libi, evíni eba yaáhwa.

Mukole kwoónka choóna chóona éecho Yeézu alaabalagila.



Muziizuze améenzi ezo nsúha mpáango, male mutáhe no kumuha Mukúlu wa amazenyi, abone kuziloza.



Aga ti méenzi káandi. Náho ne evíni éezo eli nduunzi bwooli.

Zilozé! Íwe waáléeta evíni éezo eli nduunzi kuhicha aha muhélo.



?



Tiínkachibonaga aha mazenyi goóna góona go obweenga áago ndalaalikilwe, améenzi kuhiindulwa kuba evíni male evíni éezo eli nduunzi bwooli.

Óogwo, nigwo gwaabeele omulimo gwa Yeézu omunya Nazaréti.

Noobu bityo, weényini noóha?



Kaperinaumu no omutuulo gwa abategi ogwaakumuukile aha ngeégeelo ye enyaanza ya Galiláaya. Aha niho Yeézu alikubaandiza kugaamba ha bwéelu habwo obukáma bwa Múungu.



Peétero, tubuge obwáato kuza obuziba, okwo niho muzitege emitégo yéenyu.

Na aha niho yaabatoólize abaheémba boómwe ba mbele.



Mukáma, léeba obwíle kucha tuleéle nitukola omulimo gwo kutéga ha kweéyomeleza obutabonesa chiintu.



Náho habwo kuba níwe waángaambila oótyo...



Ihano, tíinkusoombook elwa na kati.






Yakobo, Yohana,
mwiíze aha!
Titukahichaga
kwííta eéñwi
nyíinzi nke ezi!



Ondugého ínye
Mukáma, habwo kuba
ínye ndi omuheni.

Otaákutiina
Peétero!



Muunkulaatíle.




Mwiíze muunkulaatíle,
néenye niimbakola kuba
abategi ba abaantu.


Yeézu yaáziyeélela enkási zóona za Galiláaya hamo na abahéemba boómwe. Naabeegesa abaantu bóona habwo obukáma bwa Múungu, Naáchíza engaanda zóona za amalwéele no kubiinga amazimu mabi. Abaantu baásobelwa no kumukulaatila. Abáandi bakaba nibaluga noóbu emizihwa ezíindi na abáandi bakaluga Yeruzaléemu.



Béena omugisa áabo abeena enzala, habwo kuba balyaáhaagiswa.




Béena omugisa áabo beena entímba, habwo kuba balyaásemelezwa.




Mwiina omugisa ímwe obuchilo abaantu nibabatamwa habwo kuunkulaatila ínye. Munulilwe no kusaáanduuka bwooli, habwo kuba empeéla yéenyu ni mpáango omu igulu.







Echo mweénda kuzililwa na
abaantu abáandi, neemwe
nichó echo mubazilile.




Weéna wéena óogwo aleeba
omukázi aha kumulígila,
yaámazile kusaambana náze
omu muganya gwoómwe.




Mutaákuba no okutahwa
tahwa habwa nyeéncha. Echa
mbele muloondele obukáma
bwa Múungu agáandi góona
nigakulatila.




Mubeénde ababisa
báanyu no kugasabila.




Elíiso no olumuli lwo omubili.
Kabilaaba elíiso lyaawe ni
lizima omubili gwaawe gwóona
guli omu mwaanga. Naho
kalilaaba lifwiile, nooyikala
omu nsiimbaazi.



Mugahikiílize aga gi ndikubagaambila, niho mulaasusana no
omuuntu óogwo ayoombeka éenzu aha luchili. Kamulaaleka
kugahikiiliza, niho mulaasusana no omuuntu óogwo
ayoombeka éenzu yoómwe aha lugulu yo omusényi.



Mukole amazima omu chihwe,
mutéena kweéyoleka omu
méeso ga abaantu.



Táliho omuuntu óogwo
yaakuhicha kuheéleza abakáma
bábili, noomuheezeza Múungu
nali nooheezeza amabonwa.

Chilo chimo embága mpáango za abaantu bakaba nibeemigisiliza, omu nzu óomwo akaba alimo Yeézu omuli Kaperinaumu...

Titukuhicha nakáti kutaahamo omuunzu omwo.



Ni lwaampaka tumutaashemo weényini ne echitwaálilizi choómwe, kulabila aha luswi lwe éenzu.


Naahicha aáta ogu muuntu kugaamba aátyo?



Naamulogota Múungu.

Múungu weénka niwe alikuhicha kuganyila ebiheno.

Ni chíha echilikuhuhuuka bwooli kumugaambila omuntu ali enséege: 'Waáganyilwe ebiheno' nali 'Yemelela'?



Heena chíha olugulu okwo?



Mubaleke! Abanywáani abo beene okwiikiliza kuháango.



Waáganyilwe ebiheno byaawe.

Masihi ayinabwo obuzizi bwo kuganyila ebiheno náho káandi naagaamba: Twaála echitwaálilizi chaawe olibate.





Ihano boózo!

Obu neenye niinhicha kulibata!

Léeba naalibata!

Náho ti bóona abanuliilwe ebikolwa bizima bya Yeézu. Abeebembelezi beedíni nibacheengelela kaálaaba Yeézu naakulaatila obuteéka bwe echilo che endaálíkizo. Omuli Iziraeli abaantu nibaangilwa kukola omulimo gwoóna gwoóna aha chilo nke echi.



Ogu no omuntu óogwo alageele omukóno. Ngási, eyikililiziibwe kukola ebizima echilo echi?



Golola omukóno gwaawe.



Ni lwaampaka ogu tumusingaáliche.



Woyi! Naáchila!



Abeebembelezi ba Yeruzaléemu ni lwaampaka bagaambilwe ogu muuntu naahabisa éensi.

Akabuyaangano ka abaantu kikaakanyile, Yeézu yaalugaho na abaheémba boómwe bayaámbuka no obwáato omu nyaanza ya Galiláaya.






Mukáma,
otuhwéele!
Nitutubila!




Kamulikutiína?
Ngási okwiikiliza
kwéenyu ni kuche?





Heena omuuntu alikusobeza alikutúula weénka omu ibaanga...



Ngugwo!
Leélo!

Ngugwo
naayiza!




Kachu
Yeézu!



Okaatuulanwa
chi neenye,
Yeézu
Mutábani wa
Múungu
Óogwo Ali
Olugulu ya
Byóona?

Muluheendého
hali ogu
muuntu,
mazimu mabi!



Izína lyaawe oli
oóha?




Niinyetwa Ensuli,
habwo kuba íchwe
tuli béenzi.



Otukuúndile
tutáahe omu
mpunu ezo.

Zeénda!








Niimbagaambila, Omwáana takwiíle kukola choóna chóona weenyini weénka, naachikola éecho kwoónka Íise ayeénda. habwo kuba echífu chaanze tiyo kukola nko óokwo íinye ndikweendaho, náho niinkola nko óokwo alikweendaho Táata ayaansiíndikile.



Ha buteéka Yeézu azeenda kuneémbelera ahaantu áaho hatéena baantu.



Kayabeele yaábuchiisize naaneémbelera Yeézu yatooza abahaéemba boómwe ikúmi na bábili, yaábaha obuzizi bwo kubiinga amazimu no bwo kuchíza amalwáala góona.



Aba nibo abadugu babili Peétero na Andrea...




Abadugu babili aaba Yakobo na Yohana...



Filipo na Baritolomayo...


Tomaso na Matayo (ógwo aha bubandizo akaba ali omuhaámbya wo obutegeki bwe Echirúumi)



Tadayo na Yakobo oóndi.



Simoni (omulwaani empaambazi) na Yuda Iskariote.



Muzeénde, weéna wéena ógwo alikubeénaánkula íimwe, áaho naayinaánkula neenye. Káandi, náwe ógwo alikuunyinaánkula ínye, naamwiinaánkula ógwo ayansiindikile.



Emyéezo ni múnzi, náho abakózi ni bache. Mumusabe kanyina wo omusili, abone kusiíndika abakózi beenzi babone kugesá emyéezo.

Aba baheémba ikúmi na bábili nibasuba beena okusaándukilwa habwe emilimo yáabo. Kabyaabeele byaáhingwiile ebyo Yeézu naáyeénda kuzeenda nabo ahaantu ahateena baantu, naho ebipipi bya abaantu tibaleenzile kubasiga butúnu.



Yeézu naazeendelela káandi kwoólekeelela no kuchiza abalwéele. Oobu lyaagwamo...

Filipo, ngási embága yóona ya abaantu aba nibabonesa bata ebyookulya? Ha bwaáchi mutaákubaha choóna chóona cho kulya?

Nóobu twaakubeele tuguzile ebyookulya bíche kwoónka habwa buli muuntu, bye edináli magána abili tityaákubahikile aba baantu bóona.

Aliho aha omusígazi oómo óogwo ayina emikaate itaanu ne eéfwí ibili inche. Tihéena echíindi cho obusáago.

Mubeekáze abaantu bóona empelo ya abaantu makúmi ataanu.




Yeézu naámusíma Múungu...



Yaázendelela kwoónka kugaba emikaate ne ezo nfwí.



Ebihuumbi bya abaantu nibaliiswa obuchilo
Yeézu naakanyisa ebyookulya ebyo...



Ni lwaampaka
tumukole kuba
omukáma.



Ogu niwe Masihi wa Múungu
óogwo alikutegezwa nka
nikwo aléeza.

Léeba heena
ebitukulu ikúmi na
bibili ebiízwiile paa
éebyo ebyaásigalila.



Obuchilo bwaáhika abaantu batáahe. Ímwe,
muhanáme omu bwáato bwéenyu mwaambuke.
Ínye niinsigala aha omu ibaanga kusaba.





Aheeliileho...



Aaaah! Éechi ne echimunyaamunya.

Mutatiina! Níinye.



Mukáma, kábilaaba níiwe mazima, ndagila nka nikwo nkwiízého áaho oóli, kunu niindibata aha lugulu ya améenzi.

Nahoónyi ni, ííza Peétero.



Mukáma, nchuúngulaa!



Ha bwaáchi obeele oyina okutahwa tahwa, Peétero?

Heena abaantu abalikweenda kumukola Yeézu abe omukáma. Boónyini nibategeza nka nikwo omu butegeki bwoómwe, obutegeki bwe Echirúumi nibwiihibwaho. Nabo abasingangani ba Yeézu, niboongela. Nibazeendelela kumusaayiliza ebilo byóona. Nibeénda kumuteéleleza ha baantu no kumusiingalicha.



Mweégesa, oyizile kunu ílí?

Ngási, nimuundoóndela habwe emikaate éezo nkábaha?



Mutáakweeyagalaza habwo kubonesa ehookulya éecho chilikusiisikala, náho muloondele ehookulya echo obucha no obuchiile.



Ínye nínye omukaate gwo obulami. No omubili gwaanze nigwo gusohozwa habwo obulami bwe éensi.



Ngási, ugu muuntu, naahichaho aáta kutuha íchwe omubili gwoómwe, tugulye?

Obufweéla bwoónka!




Tuluge aha!

Ogu naayelekela kubéha buli muuntu.



Ngási, neemwe nyini nimweénda kuluhéenda?

Mukáma, tuzeénde hali oóha? Íiwe oyinágo amagaambo ago obulami bwo bucha no obuchiile.



Ahélu ye echikaali cha Yeruzaléemu entulo nyíanzi abaantu beétwa. Nibabaámbwa ha musalaba, ogu nigwo omuchwaáziko enduluhe gwa Abarúumi.



Kaálaaba omuuntu weéna wéna naaloónda kuba omuheémba waanze, naayeéndelwa aleke kukulaatila ebiteékuzo byoómwe asutule omusalaba gwoómwe na ankulaatile.

Omuuntu óogwo alaayeénda kuchuúngula obulami bwoómwe, alyaábubuzza; naho óogwo alaásiingaalicha obulami bwoómwe ha bwaanze, alyaábuchuúngula.



Nooyeendelwa kumanya nka nikwo heena Múungu nyakámo wéenka.

Echigaambo echili chikúlu no kumwéenda Múungu waawe aha muganya gwaawe gwóona, no kubeénda bazeenzi baawe nko óokwo olikweéyeenda íwe nyini.



Obuchilo oobu omuli Israeli hakaba heena ebyaalo bya ababéembile. Obubéembe bukaba buli ubulwéele bwo kutiinisa abaatuliilwe obulwéele oobwo tibalakuundiilwe kutulaanila na abaantu abatali abalwéele.



Ababéembe bateela eyoombo hoóna hóona hi balikuzza kubakaama abaantu abaandi nka nikwo nibeéza.

**Mulamanya!
Ababéembe!
Ababéembe!**



Yeézu Mukáma!
Otuganyile.





Muzeénde mweéyoleke aha bagabe ba Múungu.



Ngási, tuzeénde ha mugabe? Kuza kukaguzwa?

Ngási, niho tulaachila?



?

!



Leeba! Naáchila!



Twaáchila!

Éego, oobu ínye niinhicha kulibata!



Aleluya! Múungu no omweesigwa, waákola bwooli!



Abaantu ikúmi bachilizwe, tikwo? Abo abáandi mweenda bali nkáhi? Ngási, habwachi tibéeza kumusíima Múungu?



Yemeelela! Ti kwiikiliza kwaawe kwoonka okwaákuchiza náho káandi kwaákuchungula.

Abeébeembezi ba Abayahudi omuli Yeruzaléemu nibasiindika abahalila báabo hali Yeézu, kuba babone kumucheengelela kaalikuba ali omu luzendo. Boónyini tibakweenda butúnu ebyo yaabeele naakola ebye ensoonga, bakaba nibeénda bamuchwaáziike.

Naakoba na abaantu abeena entúungwa mbi nka abasiihani na abahaámbya abalikukolela Abarúumi...

Masihi ayizile kuloonda no kuchuúngula abaantu áabo ababuzile.

Habwe ensoonga Yeézu achiza abalwéele echilo che endaálíkizo éecho chitakuundiílwe kukola omulimo...

Chila!

Na abáana abeenda ha keendele ka weénka...

Mubaleke abáana abato beéze hali íinye. Manya obukáma bwa Múungu no bwa abaantu abo abali nka abáana aba.

Yeézu naayetwa kuza Betania, omutúulo oguli héehi na Yeruzaléemu. Lazáaro no omulwéele, weényini Lazáaro na banyáanya, bali Mariamu na Marita na abanywaani bakulu ba Yeézu, Yeézu kalikuhika Betania mala ahulila empola nka nikwo Lazáaro yaamazile ebilo bina ali omu chitúulo...



Mukáma, káwaakubeele oliho aha, munyaányeenye tiyaákufwiile.

Munyaányoko naázóoka, Marita.


Éego niinsoomboókelwa nka nikwo aha chilo cho muheleeluko cho kuzooka kwa abaantu, náwe alaázooka.

Ínye nínye okuzooka no obulami. Alikuunyikiliza ínye náaba omulame. Ngási, noogekiliza ago Marita?

Mazima Mukáma, niinyikiliza nka nikwo íwe oli Masihi, Mutábani wa Múungu, ógwo alikwíza omu nsi.


Mumuziikile nkáhi?

Mukáma, íza ohalébe.




Mulébe
ókwo abeele
naamweénda
bwiinzi!

Náho, weényini
tiyaákuhikize
kuzibila Lazáaro
ataákufwa?




Aha abaafwiile omu bilo ebyo bakaba baziingililwa isáanda no
kuteebwa omu chitúulo echisumilwe omu nyaanga.

Muliíheho ibáale elyo.




Mukáma, óobu naanúunka;
aha kuba yaámazile ebilo
bina ali omu chitúulo...



Nimulibona ikuzo
lya Múungu.



Táata, niingaámba amagaambo
aga habwe embága ya aba
abaantu aba abakobile aha, kuba
babone kwiikiliza nka nikwo íwe
níwe okaansiíndika.




**Lazáaro, iíza
kunu ahéelu!**



Mumusuúlule isáanda
elyo, mumuleke azeénde.

Abatégeki ba Yeruzaléemu baabaanza kutahwa tahwa bwooli habwa Yeézu na abaheémba boómwe.



Ogwo muuntu naakola eméenko nyíinzi bwooli.

Kábilaaba nituleka amagaambo aga gazeendelele, Abarúumi nibeéza kubizamo.

Nibakaambula éenzu ya Múungu no kusiingalicha ihaánga lyéetu.

Muteekuze kuluunzi, haáchili bwooli nka nikwo omuntu oómo afweéle embága yóona, kuchila ihaánga lyóona lisiingaálichibwe.



Ezo niyo ensoonga yo kumwíta Yeézu.


Kutaandika obuchilo obwo, abeébeembezi ba Abayahudi baabanza kuloondela akáanya ko kumuhikiiliza aha Abarúumi aabo nibo boónka abeene obuzizi bwo kuchwaziikila kufwa.

Ha káanya akahiíngwiile, hakaba heena amazenyi okwo Betania...




Ogu muzeeze gwiina obukaani buháango.

Mariamu!




Gaakaáhkize kuguzwa, na abahabi kuháabwa ezo mpilya.




Yuda, omuléke ogu mukázi, habwo kuba yaánsiiga amazuta habwe emiloonzo ye echo chilo éecho baliinzíika.

Geéliliza kuhika amazenyi ga Paásika,
ebipipi bya abaantu bakaba bali omu
luzeendo kweélekela Yeruzaléemu.



Omu chikaali cha
Yeruzaléemu abeébeembezi
nibalya enteba zo kumuta
omuli itaanu. Noobu bityo
weényini naázayo.





Abaantu nibamunyegeza aha manuililwa.

Nyegela!

Nyegela!




Alame óogwo alikwíza ahi izína Iyo Omukáma!

Omukáma wa Iziraeli!




Yeruzaléemu kiwaakumanyile kwoónka akenankulile ko obuhóolo. Náho tokweenda.



Tukole tuta oobu ebigaambo kabilaaba biti?

Éensi yóna neemukulaatíla.

Éenzu ya Múungu eli omu chikaali, niyo entabuko ye edíni ye Echiyahudi.



Obuchilo bwe echilo chikúlu cha Paásika, omwáana gwe entaama gubaágwa.



Echinogoka cha buli mwána gwe entaama chisohozwa echitáambo omu nzu ya Múungu habwa abaantu kubona kubakwaátanisa na Múungu.



Náho, echitáambo chita cho omwána gwe entaama nichihicha amazima kubeéhilaho abaantu ebiheno byáabo?




Omu lubuga lwe éenzu ya Múungu abaantu nibakola isuluza no kuhiinga empilya.



Kuhuumbiliza no kuhuumbulula, Yeézu nawe naayesuúlulukiza aho.







Éenzu ya Múungu elyáaba éenzu yo kusabilamo. Náho ímwe mwaázihindwiile kuba ényaanga ya abasaakuzi!



Ogu naayelekela kuba omuntu we entaambala, náho abaantu nibetegerleza buli chigaambo éecho alikugaamba.



Amazima, ni lwaampaka tuloondele akáanya ko kumusiingalicha.



Kitulamukolela ichubi nituhicha kumukwáasa aho niho tulaamwíta.

Náho etaákuba obuchilo bwe echilo cha amazenyi. Titukweenda omusaambo gwoóna gwóona gukolwe obuchilo bwe chilo chikúlu cha Paásika.

Nimuundiha chiha kíindaahicha kumbaheéleza Yeezu omu ngalo záanyu?

Ogwo niwe Yuda oómo omu baheémba boómwe.




Niimubaheéleza Yeezu omu ngalo záanyu.




Nitukuha ebinogoka bye empilya makúmi asatu kolamutuheéleza Yeezu, endeengo yo kugulila omuzáana.



Yeézu yabikolesa ebilo ebyaasagile chitakahikile echilo chikúlu cha Paásika omu kubolekelela abaantu omu nzu ya Múungu, noóbu bityo abatégeki bakaba nibasicha chibe chigumile hali wenyini. Niho kubasiíndika Peétero na Yohana, akabagaambila, “Muzeénde kutuloongeza ehookulya cha Paásika, tubone kwiiza kulya hamo.”




Obuchilo bwo olweebazo olwo Yeézu na abahaémba boomwe ikúmi na bábili nibabugana omu muzihwa babone kulya amazenyi ge echilo chikúlu cha Paásika.



Niinkola iínty omuchilo omu. (Yuda yeélahiza)






Ndigíle bwooli kulya echi
chookulya cha Paásika
hamo neemwe ncháali
ntakaágaleezwe.

Abeene obutégeki nibabatégeka
abaantu lwa amagala, náho
ímwe, mutaákukola mútyo.

Omuuntu óogwo alikweenda
kuba mukúlu omuli ímwe,
naayeéndelwa kuba
omuzáana wáanyu.



Íinye ndi ahagáti yáanyu
nko omuzáana wényu.



Mukáma, íwe noonyóza ínye amagulu? Íwe toliinyoza ínye no obuche bwa akáti!

Kábilaaba íwe nooyaánga ntakeéza amagulu, Peétero, tokuhicha kukoba hamo neenye káandi.



Ímwe nimuunyeta 'Omweégesa' no 'Omukáma.' Ago na ga amazima, habwo kuba nikwo ndi. Kábilaaba ínye naáboóza ímwe amagulu, neeyeendelwa ímwe neemwe mube nimweeyoza amagulu mútyo nyini.

Oómo omuli ímwe naankoóngá.



Mukáma, kábilaaba ni bityo, otaanyoza amagulu goónka, náho ne emikono no omútwe nagwo!

Omuuntu óogwo ayaámazile kwóoga, takweendelwa ayoge káandi, náho kunaaba amagulu goónka.




Tíwe ínye, tikwo?

Nakáti!



Echo olikweenda kukola, Yuda, ochikole bwaangu.






Mube nimukola mútyo, aha kunyizuka ínye.



Mwaanaánkule omukaate ogu, nigwo omubili gwaanze.



Mwaanaánkule echikóombe echi, niyo enságama yaanze elaaseéseka ha bwéenyu. Ha muháanda ogu Múungu naakola endagano eénsha neemwe.



Niimbáha echilagilo echisha, mweendane, nko óokwo ínye naabéenzile ímwe.



Kábilaaba nimwooleka engoonzi nke ezi, aho niho abaantu bóona balaásoombookelwa nka nikwo, ímwe muli abaheémba baanze.



Mukáma, ínye niinkukulaatila hoóna hóona ndi bweémi kufwa ha bwaáwe.



Peétero, obuchilo enkoókolomi etakakoókolomile, noóba waányogile entúlo isatu.

Aheezile, olweébazo olwo,
Yeézu na abaheémba boómwe
baasoholamo omu muzihwa,
Yuda akaba atali hamo nábo.

Ínye niimbasiga ímwe mweénka, náho
Táata naabasiindikila Omwooyo
Mutakatíifu, ogwo alaábahweela na
naaba neemwe omwáanya gwóona.

Ímwe nimusoomboókelwa
omuháanda gwo kuhika áaho
ndikuzeenda.

Ínye nínye omuháanda, na
amazima, no obulami.
Tihaliho omuntu weéna
weéna óogwo ayaakuhicha
kuhika ahali Táata kaálaaba
atakalabiile hali ínye.

Mwiikale aha,
ínye niinyililaho
káche niinzeénda
okwo kusaba.

Táata, kábilaaba nibikuundilana,
onyihileho olwaágalalo olu.

Náho oteéza okakola
nko óokwo ínye
ndikweendaho,
choónka okole nko
óokwo buli obweenzi
bwaawe.



Nimuhicha muta kuhunila obuchilo bwe enaku nko obu? Nimwiimuke, tuzeénde! Léeba, enkoonga yaanze eli aha.



Mumukwáate ógwo ndikunyweégela.



Kasíinge, Mweégesa!

Yuda, ngási, noomukoóngá Masihi ha kumunyweégela?



Mukáma, tulwáane nabo?



Mmahi!



Yeézu naabakuundila bamutwáale. Abaheémba boómwe nibeeluka buyaga.

Yeézu natwáalwa aha mugabe mukúlu, oogwo ali omukulu wa abeébembezi bóona na Abayahundi. Peétero na Yohana nibamukulaatila bwa hala.



Peétero yaataahamo omu gati yo olugo lwo omugabe mukúlu.



Ngási! Íiwe mbele otali hamo náze?



Leka omutumango! Íinye no obuche bwa kati tíinkumumanya ogu muuntu.

Íiwe oli oómo wáabo nali tikwo?



Tikwo! Tíinkumumanya.

Niinyitegeleza butúnu, íiwe ootyo nyini mbele oliho aho, neewe nyini oli omunya Galiláaya.




Mwoózo. Áago olikugaamba, tíinkugamanya.



Ahonyini enkoókolomi ekoókoloma.



Yeézu yaámweechebuka Peétero baábuganisa améso.



Gaámbe obubási! Noóha óogwo ayaákteela?



Omulucheelélwa Yeézu yaáleetwa omu méso ga abeébeembezi ba Abayahudi.

Ngási, íwe oli Mutábani wa Múungu?



Ímwe nyini mwaágaambile, nkokwo ínye nínye.



Yaálogota! Chimugasize kwítwa. Leka Abarúumi bamuchwaáziike.

Yeézu yaáyemelela omu méeso go omutégeki we Echirúumi, Pilato. Abeébeembezi ba Abayahudi nibasunikiliza abaleebelezi. Nibateéla eyoombo no kusohoza ebilegelelo bunaanka bunaanka.



Íwe nogaamba oóta hali áago góona balikukulegelela? Ngási toyina no óobu cho kugalula?



Ínye tínkabonesize echiheno choóna chóona ha muuntu ugu. Ne echilo chikúlu cha Paásika. Ngási, niimukomoolola oóha, Baraba nali Omukáma wa Abayahudi?



Ngási waakola chíha?

Ínye nkeeza kusínza amazima.



Amazima ni chíha?





Baraba!

Baraba!



Mbwéenu nimweénda immukole iínta ogu Yeézu?

Mubaámbe aha musalaba!

Weényini nateekuza aáti no omukáma!

Koólaamukoolola omuntu ogwo, íwe toli munywáni wa Kaizári.



Íwe nookomoololwa no kuba omweéyagaluzi ha kánya koómwe.


Baraba naakomoololwa. Weényini akaba ayine entambala yo obugome no obwíisi.




...37, 38, 39!



Ínye tiinyina ntaambala yoóna yóona habwe enságama yoómwe.



Nookasíngé, Mukáma wa Abayahudi.



Léeba,
omuuntu ogu.

Mubaámbe aha
musalaba!

Mubaámbe aha
musalaba!

Mubaámbe aha
musalaba!




Pilato naasohoza omuchwaáziiko gwo olufu, kuchwaáziikwa kufa ha kubaambwa ha musalaba, gukaba guli omuchwaáziiko gwo kutínisa bwooli. Yeézu yeemucha omusalaba óogwo nigwo echiseme cho olwaágalalo, kulabila ensese zo omuzihwa.





Ahaantu halikukoleswa kubaamba aha musalaba na ahélu yo omuzihwa. Ahaantu aho niheétwa Goligoota. Izíina eli liina ensoonga eéti, 'Oluhaanga lwo Omútwe.'



Aha abasilikale baámugoógotela Yeézu ha musalaba bwe emisumali, omu ngalo na magulu.





Baáyaandika echibaáho cha amaandiko omu ndimi isatu no kuchita ha lugulu yo musalaba aha mútwe gwoómwe, nacho chaandikilwe chiti: Yeézu Omukáma wa Abayahudi.

Yeézu nayaánga kunywa evíni yo kuzibila obusaasi.

Abalwaanila ngoma babyeésela olweeso ebizwáalo byoómwe.



Nikwo, ngási talachuungwiile abáandi?

Kábilaaba oli Mutábani wa Múungu mbwéenu otuúke aha musalaba.

Íiwe tokumutína Múungu no obuche bwa kati. Íichwe twaáchwaaziikwa ha mazima, kwiingana ne ebikolwa byéetu, náho omuuntu ogu, takozile echiheno choóna chóona.

Oyechuúngule íiwe nyini! Neechwe nyini!

Onyizuke obuchilo óobwo olaaza omu bukáma bwaawe.

Mazima butúnu niinkugaambila, leélo ezi nituba hamo omu Butúulo bwo Kunulilwa.



Obuchilo nke esáaha mukáaga zíti nyemisana, izóoba lyaáláala haaba ne ensiimbaazi éensi yóna kuhicha esáaha mweenda.

Mariamu, nyina wa Yeézu no muheémba Yohana bakaba beemeeliile héehi no omusalaba.

Obu ímwe muli omwáana na nyina.


Múungu waanze, Múungu waanze! Ha bwaáchi waánnagilana?

Naázila ...iliho.

Táata! Omu ngalo zaawe naákuheéleza omwooyo gwaanze.

Ga...áhwa.

Yeézu naáfwa esáaha mweenda izoóba lyaahenzile omukono. Omulwaanila ngoma oómo yaámuchumita Yeézu ni ichúmu aha lubazu. Ahonyini enságama na méenzi byaásululuka.



Ebitabu nibigaámba: “Akatwáalwa nke entaama elikuzeenda kubáagwa.”



“Akachumitwa no kuhoondwa habwe ebiheno byéetu.” Náho oobu yaáfwa.



Ngási, ugu niwe Masihi ayategiizwe kwiiza nali tiwe?



Nahoónyini, tuzeénde kuseega okukuúndilwa kwo kumuziika.



Yozéfu omunya Arimatea na Nikodemo baátwáala omutúumbi gwa Yeézu. Baáguzínga omu isáanda hamo ne emigaazu, no kuguta omu mbi. Baahilingisizáho ibáale liháango ha mulyaango gwe embi.



Ne echilo cho kuumula cha
Paásika kichahíngwiile,
abakázi bunaanka, abeene
entíimba bwooli, baázeenda
hali eezo mbi.




Ibáale elyo
lyaáhilingisiibwe,
lili hala ne eémbi.



Kanimuloónda ali
mwooyo omu bafwiile?
Yaázooka! Muzeénde
mubagaambile
abaheémba boómwe.




Kuhulila ebi, Peétero
na Yohana batamo
olubilo kuza aha mbi.



Haagwaho chí?



Eémbi
eli busa
butúnu.






Ahélu yo omusili oguzongolokile eémbi...



Máaha, ha bwaáchi noolila? Noomuloónda oóha?




Ngási, táata níwe waagwiihaho omutúumbi gwoómwe?



Mariamu!




Mweégesa!



Otaankwáata, zeénda kubagaambila abeekiliza bazeenzi baanze, kuba naázeenda omu igulu hali Táata, ógwo ali Isíimwe, hali Múungu waanze ógwo ali Múungu wáanyu.

Ha chilo echo nyini, abaheémba bábili ba Yeézu, ookwo bafwiile omuganya, babugana omuhiínguzi baaba nibazeénda nibeetekelela empola za amagaambo góona áago agaagwíile...

Ha bwaáchi timukuhicha kwiikiliza buli áago gaagaambilwe na ababáasi? Ngási, ti Masihi akaba ahikiiliilwe kulabila ebyaágalazo? Ago góona gaandikilwe omu Maandiko Matakátifu.



Kuhuumbiliza no kuhuumbulula ahonyini omuzenyi wáabo yaabahwáho aha méeso...

Náho, ogwo abeele ali Yeézu weényini.



Ha buchilo obwo nyini entulo eémo, baázenda omuli Yeruzaléemu kuloondela entumwa za Yeézu abáandi.

Mariamu na Peétero na boónyini baámubona.

Twaámubona Omukáma!



Kuhuumbiliza no kuhuumbulula...

Obuhóolo bube neemwe.




Mukáma waanze na Múungu waanze!

Ngási, ímwe timukwiikiliza kuba ínye nínye? Muundébe emikono yaanze na amagulu gaanze.



Yeézu akaba naayeyoleka hali ezo ntumwa káandi na káandi, omwáanya gwe ebilo makúmi aána. Ahaakulaatiile akeeyoleka aha beekiliza áabo basaagile magana ataanu chilo chimo, obuchilo abaheémba boomwe abandi bakaba nibatéga eéfwí omu nyaanza ya Galiláaya....





Ngási, Peétero noonyeénda bwooli?




Yeézu yaámubúuza Peétero ibúuzo eli entúlo isatu...



Íiwe Mukáma, noomanya góona. Noomanya nka nikwo niinkweénda.

Lísa entaama zaanze.



Nkulaatila!

Múngu ampeele obuzizi bwóona bwo omu igulu no bwo omu nsi. Muzeénde omu baantu ba amahaánga góona no kuboólekeelela babe abaheémba baanze. Muzile mútyo aha kubabatiza omu izíina lya Táata, ne lyo Omwaana ne lyo Omwooyo Mutakatíifu. Nimubeégese kweékomya byóona éebyo naábalagiile íimwe.




Mwiizuke, íinye níimba mbaliho neemwe ebilo byóona, kuhicha omuhélo gwe enchilo.

Kabyahíngwile ebigaambo ebi, Yeézu naluga omu nsi no kutwáalwa omu igulu. Náho kandi agaambile naasuba kubachwaázika abaantu bóona...

Yeézu yaálugileho. Abaheémba boómwe nibaliindilila omuli Yeruzaléemu nibasaba. Omwooyo Mutakatíifu, Omwooyo gwa Múngu gwabahanaántukila no kuza omuli boónyini. Omwooyo ogwo nyini ali omuli Yeézu niwe obu káandi naatúula omuli boónyini. Naabakola ebihaángwa bisha no kubaha amagala go kusíinza habwa Yeézu.

Olufu tilukuhicha kumukóma Yeézu. Múngu akamusubiza obulami bwoómwe. Múngu akamukola kuba Omukáma wa abakáma.



Abaheémba ba Yeézu nibaza hoóna hóona omu nsi hamo no kubaho abweehakanisa buháango.

Yeézu ni Mutábani wa Múngu.




Empola nzima éezo ekasuúgaaniswa na aha muháanda gwo olwaandiko.

Akatwáala ebiheno byéetu omu mubili gwoómwe weényini kayaafwíile ha musalaba. Ezo niyo ensoonga nitufwa habwe ebiheno kubandiza oobu no kuzeendelela, nituhicha kulama nka nikwo Múngu alikweenda tutuúle.

Oobu abaheémba ba Yeézu hóona omu nsi nibabugana no kusába hamo no kusoma Ebibulia. Nibagumenyula omukaate no nibanyweelana echikóombe che evíini ha kwiizuka olufu Iwa Yeézu. Nibakoba engoonzi za Múngu ezili omu myooyo yáabo na batuuzi báabo.



Yeézu nababonesa abaanu
kuhikiiliza omweétegeko gwa
Múungu.



Yeézu naakweénda!
Omusiime no
kumulámya.



Múungu akabéenda bwooli abaanu
bóona be éensi ezi. Niyo entaahililo
akamusohozo Omwaana nyakámo
kwiiza omu nsi ezi, kuba buli muuntu
ógwo alikumwiikiliza atasiingaálíka,
náho aábe no obulami bwo obucha no
obuchiile.

EBIBULIA

Olugano lwa Yeézu no obwiizukizo omu Bibulia. Tihéena echitabu echíindi echaalasomilwe ne echilikusomwa oobu nyini, entulo nyínzi bwooli kuchila Ebibulia. Ne echitabu echiizwiile ebitabu. Ekatwáala emyáaka echihuumbi na magana ataanu (1500) kwaandika ebi bitabu byóona. Ebibulia ekahikiilizwa kukolwa nke emyáaka echihuumbi na magana mweenda (1900) ehiingwiile. Neeteelanisa buli lugaanda lwe engano habwa Múungu nko óokwo yeesuulwiile omu bulami bwa abaantu. Olugano lwa Yeézu nilwooleka bwooli Múungu no oóha.

EHISTOLIA YA YEÉZU

Ebibulia neekwaatanisa ebitabu 4 éebyo bilikusoomboola obulami bwa Yeézu. Bigaambilwe ha kukulaatila amazína ga abaandiki. Abaandiki bóona bakalama ha buchilo bwa Yeézu.

1. **Matayo** – Omuheémba wa Yeézu akakola emilimo nko omutobesa wo oluhaambwe. Naateekelela nko óokwo Yeézu yaabeemanyile abaantu ba Iziraeli (Abayahudi).

2. **Mariko** - akaba achili omusigazi obuchilo óobwo Yeézu yaabeele naakola emilimo. Akaandika bwooli habwa amahano áago yaakozile Yeézu.

3. **Luka** - akaba ali omulaguzi. Weényini weénka talamumanyile Yeézu. Luka naasoomboola óokwo Yeézu alikubeemanya abaantu.



4. **Yohana** – weényini nawe akaba ali omuheémba wa Yeézu. Weényini naayoleka omu kukomeenteleza Yeézu no oóha. Yeézu ni Múungu, óogwo akaba omuntu kuba abáhe abaantu obweéyagaaluzi kuluga omu biheno.

OKUZÁALWA KWA YEÉZU

Nyina wa Yeézu, Mariamu, akaba atakakuúmpwiilwe obuchilo Yeézu yaazéelwe. Akaba achili omubiíkila. Omweétegeko gwa Múungu gukaba guli nka nikwo Yeézu azaálwe. Ihano elyo likataátulwa omu bitabu bya kala butakahikile obuchilo bwa Yeézu. Yeézu talazeelwe nke emanzi nali omukoza nsoni. Akazalilwa omu chibuga cho kuliilamo éente, habwo kuba bakabulwa echiseenge.

AMAHANO GA YEÉZU

Yeézu akakola amahano méenzi. Ebibulia neesoomboola akachiza abaantu obusáago bwe entulo makumi aána (40). Ha muháanda gwa amahano, Yeézu naayoleka amagala ga Múungu ne engoonzi zoómwe. Akooleka nka nikwo Múungu naayeénda kubahweela abaantu no kubakola babe na amanulilwa.



OKUFWA KWA YEÉZU NO OKUZOOKA KWOÓMWE.



Ha bwaáchi Yeézu akafwa? Obusoombozi busohweezwe omu Bibulia.

Obuchilo obúundi abaantu bóona nituhena. Amagaambo áago gatakumunuliza Múungu no kumukola atamwe nali kuzila entiimba. Amagaambo áago nigeétwa ebiheno. Ebiheno byóona nibihicha kuzibila abaantu kuba banywáani ba Múungu. Ezo niyo ensoonga ya Yeézu kwiiza. Habwo kwiisohozza kwoómwe Yeézu akatwáala weényini nyini omuchwaáziiko gwe ebiheno byéetu. Omuchwaáziiko ogwo gukaba guli olufu. Kuluga Yeézu aáfwe ha bwéetu, nituhicha káandi kuba abanywáani na Múungu. Náho nitweendelwa kusaba echiganyizi habwe ebiheno éebyo tukozile.

Yeézu akazooka kuluga omu bafwiile. Múungu akamkukola kuba omulame káandi. Habwe echikolwa echi Múungu akatwoóleka nka nikwo weényini ayina obuzizi bwooli kuchila olufu.

Óobu Yeézu naayikala na Múungu na habwo kuba ali omulame, kati buchilo naahicha kuba munywáani wéetu. Naayeénda kutuhweela íichwe kutúula ha muháanda ogulikumunuliza Múungu.

OKUSABA

Koólaaba okatamwa habwe ebiheno éebyo okakola na koólaaba nooyeénda kuba munywáani wa Múungu, waakaáhicha kusaba oóti:

“Múungu owe engoonzi, noonyeénda.

Okamusiíndika Yeézu, Mutábani waawe nyakámo.

Akafwa ha musalaba habwe ebiheno byaanze byóona éebyo naakozile.

Niinsaba onganyile habwe ebiheno éebyo naakozile. Onganyile bwooli, nganyila.

Waákola, nka nikwo Yeézu ali olubazu lwaanze.

Obuchilo bwóona niinyeénda iímbe owaáwe.

Niinsaba ompwéele ntuúle obulami óobwo olikweenda íinye ntuúle.

Oóbe héehi neenye buli buchilo.

Waákola habwo kwiikiliza okusaba kwaanze.

Íiwe nookola buli éecho olikulagana!”

YEÉZU NEEWE

Olugano lwa Yeézu lwiina omuhelo gwo obweélu. Yeézu akaba ali munywáani wa abaantu béenzi bwooli, kuhicha óobu. Énsi yaahiindikile. Abaantu béenzi tibakuzila oluzeendo lwo kuhanama aha nsíkili nali kuhanama halugulu ye efaláasi náho nibazeénda habwe emoótoka ne endege. Náho ezi tekukola obutaaniso hali Yeézu. Yaakaáhicha kuba neechwe nko óokwo yaabeele alibata Iziraeli. Takubonekana náho weényini na amazima. Naayeénda kuba munywáani waawe leélo. Muhuliilize na waakaáhicha kumwéenda weényini.

Ngási, nooyeénda kusoombokelwa bwooli habwa Yeézu no obulami bwoómwe? Waakaáhicha kukola aga agalikukulaatila:

1. **Baánza kusoma Ebibulia íwe nyini**

(ha mususano: baánza kusoma echitabu echaándikilwe na Luka).

2. **Baánza kusaba**

(hóoya na Múungu na omuhuliilize weényini - kukoza ebigambo ebitiilwého).

3. **Hóoya na abaantu abáandi habwa Yeézu ne Ebibulia.** Yeézu naayeénda abaheémba boómwe babugane hamo no kweétiimbya emiganya no kweéyega bwooli habwa weényini.

Text and illustrations: Willem de Vink.

Copyright © 1993 Stichting Wereldtaal, Rotterdam, The Netherlands.

Published in Dutch as “Jezus Messias”.

Edition in Zinza (Tanzania) © 2026

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com

<https://www.jesussmessiahcomicmedia.com/tanzania>

YEÉZU MASIHI Olu no olugano lwa amazima lwa Yeézu Masihi. Akatúula Iziraeli ha myáaka ebihuumbi bibili (2000) eyaáhiingwiile. Buli muuntu ayaabugeene naze akasobezwa. Tihaliho omuuntu ayaakozile echiintu éecho akakola Yeézu. Tihaliho omuuntu ayaagaambile echiintu éecho akagaamba. Amahano gakakolwa áaho Yeézu yaabeele aáli. Na akaleeta amanulilwa na amanulilwa hali abaabeele nibamuhuliiliza. Mala yéeza kuba omuhelo. Ababisa boómwe bakaba beenaze kuhotolwa. Náho ogwo tigulabeele omuhelo. Soma íwe nyini ókwo byaabeleho na olébe ókwo olugano lwa Yeézu Masihi lulikuzeendelela.



Olulími: Echiziinza

Language: Zinza (Tanzania)

ISBN: 978-94-93178-85-4